



左次

十九上

文


自五年五十年

服部文庫

117

207

11



117
207
11

春秋左傳註疏卷第十九上

文五年
盡十年

晉杜氏註

唐孔穎達疏

經五年春王正月王使榮叔歸舍且贈珠玉曰舍舍

口實車馬曰贈舍本亦作哈戶暗反說文作

至且贈正義曰公羊傳曰其言歸舍且贈何兼之

兼之非禮也賈服云舍贈當異人今一人兼兩使故

書且以譏之案禮雜記諸侯相弔之禮舍祿贈臨同

日而畢與介代有事焉不言遣異使也諸侯相於則

唯遣一使而責天子於諸侯必當異人禮何所出而

非責王也春秋之世風教陵遲吉凶賀弔罕能如禮

王之崩葬魯多不行魯之有喪寧能盡至全無所譏

不合又無貶責既舍且贈便責兼之不可是禮備不



如不備行禮不如不行豈有如此之理哉左傳舉來
 含且贈會葬二事乃云禮也則二事俱是得禮無譏
 兼之之意也言且者見有二禮而已宰啗言來歸此
 不言來者穀梁傳曰其不言來者不周事之用也贈
 以早而含以晚其意以為含者所以實口當及未殯
 而至以其至晚故不言來以責王也按雜記含者執
 璧將命坐委于殯東南有葦席既葬蒲席然則含祔
 者所以助喪盡恩示其有禮而已既葬猶尚致之不
 必以濟其用天子之與鄰國莫不道路長遠赴者猶
 尚不至責其未殯而來此是理之不通也且來者自
 外之文非是衰賤之意九年秦人來歸僖公成風之
 祔祔衣是斂之所用彼最晚矣何以復言來乎言來
 與不言來史異文耳宰啗秦人歸之既晚故舉其所
 為之人此夫人新薨言歸含贈為夫人可知故不言
 歸夫人含贈也何休膏肓以為禮尊不含卑又不兼
 二禮左氏以為禮於義為短鄭康成箴云禮天子於
 二王後之喪含為先祔次之贈次之賻次之於諸侯
 含之贈之小君亦如之於諸侯臣祔之諸侯相於如

天子於二王後於卿大夫如天子於諸侯於士如天
 子於諸侯臣何休云尊不含卑是違禮非經意其一
 人兼歸二禮亦是為譏如康成言尊不含卑禮無其
 事康成以為譏一人兼二事者非左氏意也○
 玉至曰贈○正義曰周禮玉府大喪共含玉穀梁傳
 曰貝玉曰含士喪禮含用米貝莊子說發冢之事云
 徐徐破其頰無傷口中珠是含有用珠者也故云珠
 玉曰含何休云天子以珠周禮大喪共玉不共珠也
 莊子所言發冢未必發天子冢也雜記云諸侯相含
 以璧未知何人用珠耳公羊傳曰含者何口實也孝
 子不忍虛其親之口故以米貝珠玉實之謂之飯含
 檀弓曰飯用米貝弗忍虛也○不以食道用美焉爾士
 喪禮用生稻米是不以食
 道也車馬曰贈公羊傳文

三月辛亥葬我小君成風

無傳反哭成喪故曰葬我

小君王使召伯來會葬

召伯天子卿也召采地伯

爵也來不及葬不譏者不失五月之內○召上照反

夏公孫敖如晉無傳

秦人入都入例在十五年音若都

秋楚人滅六六國今廬江六縣居反廬力

冬十月甲申許男業卒無傳與僖公六同盟

六同盟○正義曰業以僖五年即位其年盟于首止八年于泚九年于葵丘十五年于牡丘二十一年于薄二十七年于宋魯許俱在是六同盟也

傳五年春王使榮叔來舍且贈召昭公來會葬禮也

成風莊公之妾天子以夫人禮贈之明母以子貴

贈贈

足利本作楚公子慶

協

故曰禮禮結之則舍贈會葬皆得禮也釋例稱贈

賻禮舍總謂之贈言以夫人禮贈之指為贈舍也○初都叛楚即秦又貳於

楚夏秦人入都○六人叛楚即東夷秋楚成大心仲

歸帥師滅六仲歸子家○冬楚子變滅蓼蓼國

今安豐蓼縣○變息例反蓼音臧文仲聞六與蓼滅

曰臯陶庭堅不祀忽諸德之不建民之無援哀哉

蓼與六皆臯陶後也傷二國之君不能建德結援大

國忽然而亡音遙○晉陽處父聘于衛反過甯甯嬴

從之甯晉邑汲郡修武縣也嬴逆旅大夫音盈

甯甯晉至大夫。正義曰：晉語說此事云：舍於逆旅，甯嬴氏，註國語者，賈逵、孔晁皆以甯嬴為掌逆旅之大夫，故杜亦同之。劉炫以甯嬴直是逆旅之主，非大夫，今刪定知不然者，若是逆旅之主，則身為匹庶，是卑賤之人，猶如重館人告文仲、重丘人罵孫蒯，止應稱人而已，何得名氏見傳？杜以傳載名氏，故為逆旅大夫。劉炫以為客舍主人而規杜氏非也。

及溫而還其妻問之嬴曰：以剛

商書曰沈漸剛克高明柔克

沈沈漸猶滯溺也。高明猶亢爽也。言各當以剛柔勝已本性，乃能成全也。此

在洪範今謂之周書。漸似廉反，註沈滯溺也。周書：正義曰，此傳引周書是洪範之三德也。彼說人之三德，乃以此言覆之。孔安國以此二句為天地之德，故註云：沈漸謂地，雖柔亦有剛，能出金石，高明謂天，言天為剛德，亦有柔克，不干四時。杜以傳證人

同 干

性即以人事解之。沈漸謂人性之沈滯懦弱也。高明謂人性之高亢明爽也。滯溺者當以剛勝其本性，亢爽者當以柔勝其本性，必自屈矯已，乃能成全。不然則沈漸失於弱，高明失於剛，不能保其身也。此文在洪範今謂之周書箕子商人所說，故傳謂之商書。

夫子壹之其不没乎陽

子性純剛，天為剛德，猶不干時。寒暑相順，況在人

乎。且華而不實，怨之所聚也。言過其行，犯

而聚怨，不可以定身。剛則犯人，余懼不獲其利，而

離其難，是以去之。為六年晉殺處父傳。難乃晉

趙成子欒貞子霍伯曰：季皆卒。成子趙衰新上軍

帥也。曰季胥臣下軍佐也。為六年蒐於夷傳。類反。下同蒐所。○同蒐所。○郤溱將中軍。狐毛狐偃將上軍。欒枝胥臣求反。○將下軍。晉語云。狐毛卒先且居將上軍。清原之蒐。三軍如故。趙衰箕鄭將新上軍。胥嬰先都將新下軍。箕之役先軫死。先且居將中軍。不知誰代。且居將上軍也。此言趙衰新上軍帥中軍佐。并舉二官。二年彭衙之役云。先且居將中軍。趙衰佐之。註云。代郤溱。是趙衰新上軍帥中軍佐也。

經六年春葬許僖公。無傳。

夏季孫行父如陳。行父季孫友子。秋季孫行父如晉。

八月乙亥晉侯驩卒。再同盟。驩與。再同盟。正義曰。二年

及晉處父盟。三年公及晉侯盟。是再同盟也。

冬十月公子遂如晉葬晉襄公。卿共葬事。文襄之制

也。三月而葬。音恭。○共。卿共至葬。速。○正義曰。昭

之喪士弔大夫送葬。昭三年傳曰。昔文襄之霸也。其務不煩諸侯。君薨大夫弔。卿共葬事是也。

晉殺其大夫陽處父。處父侵官宜為國討。故不言賈

季殺晉狐射姑。出奔狄。射姑狐偃子賈季也。奔例

在宣十年。射音亦。一音夜。

閏月不告月。猶朝于廟。諸侯每月必告朔聽政。因朝

宗廟。文公以閏非常月。故闕不告朔。怠慢政事。雖朝

于廟。則如勿朝。故曰猶。猶者可止之辭。不告月月。或作朔誤也。

春秋疏 卷之六 不告朔本 諸侯至之辭 正義曰 周禮太史頒 或作告月 諸侯至之辭 正義曰 周禮太史頒 諸侯藏之祖廟至朔朝于廟告而受行之論語云子 貢欲去告朔之餼羊是用特羊告於廟謂之告朔人 君即以此日聽視此朔之政謂之視朔十六年公四 不視朔僖五年傳曰公既視朔是也視朔者聽治此 月之政亦謂之聽朔玉藻云天子聽朔於南門之外 是也其日又以禮祭於宗廟謂之朝廟周禮謂之朝 享司尊彝云追享朝享是也其歲首為之則為之朝 正襄二十九年正月公在楚傳曰釋不朝正于廟是 也告朔視朔聽朔朝廟朝享朝正二禮各有三名同 日而為之也文公以閏非常月故闕不告朔告朔之 禮大朝廟之禮小文公怠慢政事既不告朔雖朝于 廟則如勿朝故書猶朝于廟言猶以譏之必於月朔 為此告朔聽朔之禮者釋例曰人君者設官分職以 為民極遠細事以全委任之責從諸下以盡知力之 用總成敗以效能否執八柄以明誅賞故自非機事 皆委心焉誠信足以相感事實盡而不擁故受位居

職者思效忠善日夜自進而無所顧忌也天下之細 事無數一日二日萬端人君之明有所不照人君之 力有所不堪則不得不借問近習有時而用之如此 則六卿六遂之長雖躬履此事躬造此官當皆移聽 於內官迴心於左政之批亂恒必由此聖人知其 不可故簡其節敬其事因月朔朝遷坐正位會羣吏 而聽大政考其所行而決其煩疑非徒議將然也乃 所以考已然又惡其密聽之亂公也故顯眾以斷之 是以上下交泰官人以理萬民以察天下以治也文 公謂閏非常月緣以闕禮傳因所闕而明言典制雖 朝于廟則如勿朝故經稱猶朝于廟也經稱告月傳 言告朔明告月必以朔也每月之朔必朝於廟因聽 政事事敬而禮成故告以特羊然則朝廟朝正告朔 視朔皆同日之事所從言之異耳是言聽朔朝廟之 義也玉藻說天子之禮云聽朔於南門之外諸侯皮 弁聽朔於太廟鄭玄以為明堂在國之陽南門之外 謂明堂也諸侯告朔以特羊則天子以特牛與天子 用特牛告其帝及其神配以文王武王諸侯用特羊

告太祖而已杜以明堂與祖廟為一但明堂是祭天之處天子告朔雖杜之義亦應告人帝朝享即月祭是也祭法云王立七廟曰考廟王考廟皇考廟顯考廟祖考廟皆月祭之二祧享嘗乃止諸侯立五廟曰考廟王考廟皇考廟皆月祭之顯考廟祖考廟享嘗乃止然則天子告朔於明堂朝享於五廟諸侯告朔於太廟朝享自皇考以下三廟耳皆先告朔後朝廟朝廟小於告朔文公廢其大而後行其小故云猶朝于廟公羊傳曰猶者可止之辭也天子玄冕以視朔皮弁以日視朝諸侯皮弁以聽朔朝服以月視朝其閏月則聽朔於明堂闔門左扉立於其中聽政於路寢門終月故於文王在門為閏

傳六年春晉蒐于夷舍二軍僖三十一年晉蒐清

原作五軍今舍二軍復三軍之制夷晉地前年四卿

卒故蒐以謀軍帥舍音捨註同僖三至軍帥帥所類反下同正義曰清原

日

衰

之蒐五軍十卿有先軫卻縠先且居狐偃欒枝胥臣趙衰箕鄭胥嬰先都箕之役先軫死往歲趙衰欒枝先且居胥臣卒八年傳說此蒐之事云晉侯將登鄭父先都則卻縠狐偃胥嬰亦先卒矣清原十卿唯有箕鄭先都在耳故蒐以謀軍帥服虔云使射姑代先且居趙盾代趙衰也箕鄭將上軍林父佐也先蔑將下軍先都佐也改蒐于董趙盾將使狐射姑將中軍中軍射姑奔狄先克代佐中軍

趙盾佐之 代趙衰也盾趙衰子盾徒陽處父至自溫 往年聘衛過溫今始至過古改蒐于董易中軍 易以趙盾為帥射姑佐承反之河東汾陰縣有董亭陽子成季之屬也 處父嘗為趙盾屬大夫 **處父至大夫** 正義曰僖三十一年清原之蒐衰始為卿三十三

賈氏不在五人之數也
五年趙衰之故且其居臣年其
後之軫年則五人八卻縠狐偃箕
鄭胥嬰也

年處父已專帥侵蔡則處父之屬成子未有多年故

蓋情素相親而黨於趙氏耳非專以嘗為其屬也故

黨於趙氏且謂趙盾能曰使能國之利也是以上之

宣子於是乎始為國政宣趙盾諡制事典典常

也正法罪輕重當○當丁辟刑獄辟猶理也辟

辨亦反後同董逋逃董督也○逋補由質要由

用也質要券契也治舊洿治洿穢○洿音烏本

本秩禮貴賤不失其本續常職修廢官出滯淹

拔賢能也既成以授大傅陽子與大師賈佗使行

諸晉國以為常法賈佗以公族從文公而不在五

板

人之數○大音泰下同佗宣子至常法○正義曰

使有常也○正法罪者準所犯輕重豫為之法使在後

依用之也○辟獄刑者有事在官未決斷者令於今理

治之也○董逋逃者舊有逋逃負罪播越者督察追捕

之也○由質要者謂斷爭財之獄用券契正定之也○治

舊洿者國之舊政洿穢不潔理治改正之也○本秩禮

者時有僭踰貴賤相濫本其次秩使如舊也○續常職

者職有廢闕任賢使能令續故常也○出滯淹者賢能

之人沈滯田里故出而官爵之也○此謂所為制作法

式者豫為將來使案而遵行臨時決斷者將為故事

使後人放習故得行諸晉國以為常法也○辟猶

理也○正義曰○辟訓為法依法斷決是理治之也○此

與上句所以為異者正法罪謂準狀制罪為將來之

法若今之造律令也○辟獄刑謂有獄未決斷當時之

罪若昭十四年韓宣子命斷舊獄之類是也○董

督也○正義曰○釋詁云董督正也○俱訓為正是董得

水火

卷之九

法古

春秋左傳卷十九 襄公九年
周禮小宰以官府之八成經邦治四曰聽稱責以傅
別六曰聽取予以書契七曰聽賣買以質劑鄭眾云
稱責謂貸予也傅別謂券書也聽訟責者以券書決
之傅傳著約束於文書也別別為兩兩家各得一也
鄭玄云傅別謂為大手書於一札中字別之書契謂
出子受入之凡要也質劑謂兩書一札同而別之長
曰質短曰劑傅別質劑皆今之券書也事異其名耳
如彼禮文知質要是契券也○治治理滄穢○正義
曰滄者穢之別名不潔之稱也法有不便於民事有
不利於國是為政之滄穢也治理改正使潔清也○
賈賈佗至之數○正義曰晉語宋公孫固云晉公子
長事賈佗又曰賈佗公族也而多識以共敬公子居
則下之動則容焉是以公族從文公也尚書周官大
師大傅大保天子三公也宣十六年傳晉侯請于王
命士會將中軍且為大傅則大傅尊於中軍之將與
大師皆為孤卿也周禮上公之國有孤一人王制諸
侯三卿晉侯爵也而有三軍六卿復有孤一人者晉
為霸主多置羣官共時所須不能如禮孤尊於卿法

由在上故宣子法○臧文仲以陳衛之睦也欲求好
成授二孤使行之○**於陳夏季文子聘于陳且娶焉**臣非君命不越竟
故因聘而自為娶○好呼報反娶七佳反竟音境為于偽反○秦伯任好
卒音壬以子車氏之三子奄息仲
行鍼虎為殉音仲本亦作中音仲行戶郎反鍼其廉○**皆秦之良**
音居仲本亦作中音仲行戶郎反鍼其廉也國人哀之為之賦黃鳥黃鳥詩秦風義取黃鳥
止于棘桑往來得其所傷三良不然為于偽反下
言善君子曰秦穆之不為盟主也宜哉死而棄民先
言同

王違世猶詒之法而況奪之善人乎詩曰人之云亡

邦國殄瘁詩大雅言善人亡則國瘁病反詒以之

反無善人之謂若之何奪之古之王者知命之長

死古之至不長正義曰知命之不長知其必將有

已死不得長生久視故制法度以遺後人非獨為當

事功成乃就死耳非是以竝建聖哲建立聖知以

司牧民王如字一音于況反聖知音智建立至牧民正義

為諸侯或置之羣官聖哲樹之風聲因土地風俗

是為立聲教之法理志云凡民性有剛柔緩急聲韻

不同繫水土之風氣故謂之風好惡取舍動靜無常

隨君上之情欲故謂之俗王制云廣谷大川異制民

俗齊其政不易其宜故聖王為政因其土地風俗為

立善聲教也聲教人之所立故言樹之今杜云因土

地風俗為立聲教之法如杜此言惟樹以聲而傳云

樹之風聲而風亦樹者其實風俗亦是人君教化故

孝經云移風易俗孔註尚書云立其善風揚其善聲

是也**分之采物**旌旗衣服各有分制分扶問

也旌旗衣服各有分制反註同旌

旗至分制正義曰采物謂采章物色旌旗衣服尊

卑不同各位高下各有品制天子所有分而與之故

云分之定四年傳稱分魯公**著之語言**話善也為

作善言遺戒話善至遺戒正義曰著

竹帛故言**為之律度**鍾律度量所以治歷明時

著之也鍾律度量所以治歷明時

音鍾律至明時。正義曰周語云先王之制鍾也。律度量衡於是乎生。小大器用於是乎出。又曰古之神瞽考中聲而量之。以制度律均鍾。百官軌儀。其意言度律之聲。以為鍾之均。於鍾律取法為度量。衡也。故漢書律歷志云。推歷生律。莫不用焉。度量衡皆出於黃鍾之律也。度者分寸尺丈引。所以度長短也。本起於黃鍾之長。以子穀秬黍之中者。一黍之廣度之。九十分黃鍾之長。一為一分。十分為寸。十寸為尺。十尺為丈。十丈為引。而五度審矣。量者。合升斗斛。所以量多少也。本起於黃鍾之龠。以子穀秬黍中者。千有二百實其龠。合龠為合。十合為升。十升為斗。十斗為斛。而五量嘉矣。權者。銖兩斤鈞石。所以稱輕重也。本起於黃鍾之重。一龠容千二百黍。重十二銖兩之為兩。十六兩為斤。三十斤為鈞。四鈞為石。而五衡謹矣。權衡一物。衡平也。權重也。稱上謂之衡。稱鍾謂之權。所從言之異耳。其鍾者。亦起於律。故服虔云。鳧氏為鍾。各自計律。倍而半之。黃鍾之管長九寸。則黃鍾之鍾長二尺二寸半餘。鍾亦各自計律。倍而半之。

之度量衡其本俱出於律。傳言律度。註言度量。其言不及衡者。文雖不足。理實兼之。易革卦象云。君子以治歷明時。此律度量衡皆推歷為之。陳之藝極。藝準也。極中也。貢獻多少之法。傳曰。貢之無藝。又曰。貢

獻無極。中正制貢賦多少之法。立其準限。中正使不多不少。陳之以示民。故言陳之所引。引之表儀。引道也。表儀猶威儀。導下同。義曰。引謂在前。故為

道也。表章儀飾。故猶威儀也。威儀禮則。王者制之以道。民言引之道。不用重文。故異之也。予之

法制告之訓典。訓典先王之書。訓典先王之典。先王之書。教訓之典。取其言以語之。故言告之。法制謂王者身自制作。已之所有。故言予之。教之

水火流。卷之九十一。及古蜀。

者

防利防惡興利使勿然故為防惡利故務生此

利故為興利傳言防利於文不足互委之常秩委

見以曉人也此最為急故特言教之委之常秩委

任也常秩官司之常職設官分職當委任責成故

言委之常秩謂職掌位道之以禮則使毋失其土宜

次故為官司之常職眾隸賴之而後即命即就也聖王同之今縱無法

眾隸賴之而後即命以遺後嗣而又收其良以死難以在上矣君子是以

以遺後嗣而又收其良以死難以在上矣君子是以

知秦之不復東征也不能復征討東方諸侯為霸

主遺唯季反復扶又反註同秋季文子將聘於晉使求遭喪

之禮以行季文子季孫行父也聞晉侯疾故

文至疾故正義曰劉炫以為聘使之法自須造遭

喪之禮而行防其未然也非是聞晉侯有疾今知不

然者依聘禮出使唯以幣物而行無別齎遭喪之禮

若主國有凶則臨時辦備今文子聘晉特求遭喪之

禮出聘之後晉侯遂卒考其情氣有異尋常聞晉侯

之疾何為不可劉炫以不聞晉侯之疾而規杜氏恐

非其義也其人曰將焉用之其人從者為於虔反文

子曰備豫不虞古之善教也求而無之實難難卒

得卒寸過求何害所謂文子三息暫反○八

月乙亥晉襄公卒靈公少晉人以難故欲立長君趙孟

立少君恐有難少詩照反註同難乃旦反註趙孟

曰立公子雍趙孟趙盾也公子雍文公子襄公庶

春秋流

卷之九十二

及古閣

丁

弟杜祁之子好善而長先君愛之且近於秦秦舊好

也置善則固事長則順立愛則孝結舊則安為難故

故欲立長君有此四德者難必抒矣○好

反下皆同近附近之近 ○正義曰字有

抒直呂反又時呂反 ○聲相近而為訓者鬼之為

言歸也春之為言蠢也其類多矣抒 ○賈季曰不如立

聲近除故為除也服虔作舒舒緩也 ○樂音岳 公子樂○音洛 辰嬴嬖於二君○辰

嬴懷嬴也二君懷公文公也○嬖必 立其子民必安

之趙孟曰辰嬴賤班在九人○班位也 其子何震之

有○震威也 且為二嬖淫也為先君子不能求大而

僻

出在小國僻也母淫子僻無威陳小而遠無援將何

安焉杜祁以君故讓偏姑而上之○杜祁杜伯之後

祁姓也偏姑姑姓之女生襄公為世子故杜祁讓使

在已上○辟匹亦反又作辟下同祁巨之 ○偏姑

反偏彼力反姑其吉反又其乙反 ○正義曰

譜以偏為國名 以狄故讓季隗而已次之故班在四

地闕不知所在○季隗是文公託狄時妻故復讓之然則杜祁本

班在二○隗五罪反復扶 先君是以愛其子而仕諸

秦為亞卿焉○亞次也言其賢故位尊 秦大

而近足以為援母義子愛足以威民立之不亦可乎

使先蔑士會如秦逆公子雍先蔑士伯也士會隨

季也賈季亦使召公子樂于陳趙孟使殺諸郟郟

晉地支反○賈季怨陽子之易其班也本中軍

帥易以為佐帥所類反而知其無援於晉也少

族多怨九月賈季使續鞫居殺陽處父鞫居狐氏

之族書曰晉殺其大夫侵官也君已命帥處父易

之故曰侵官○冬十月襄仲如晉葬襄公○十一月

丙寅晉殺續簡伯簡伯續鞫居十一月無丙寅丙

寅十二月八日也日月必有誤賈季奔狄宣子使夷

駢送其帑帑妻子也宣子以賈季中軍之佐同官

故與羊朱反駢蒲賢帑帑妻子也○正義曰詩

反又蒲丁反帑音奴云樂爾妻帑文已有妻故

毛傳以帑為子此傳無妻故杜并妻言之帑者細弱

之號妻子俱得稱之傳稱以害鳥帑鳥尾猶尚稱帑

況妻子也說文云帑金幣所藏夷之蒐賈季戮與駢

與駢之人欲盡殺賈氏以報焉與駢曰不可吾聞前

志有之曰敵惠敵怨不在後嗣忠之道也敵猶對

也若及子孫則為非對非對則為遷怒盡津○惠

至之道○正義曰敵惠謂有惠於彼不可望彼人之

子報敵怨謂有怨於彼不可讎彼人之子父祖受人

之惠子孫自可不忘要有恩於其父祖不可求報於

彼子孫子孫或有不知乃是更復長怨故惠怨皆不

報水火流

卷九十四

在後是為忠恕之道也

夫子禮於賈季我以其寵報私怨無乃

不可乎

言已蒙宣子寵位介人之寵非勇也

因也

音介

損怨益仇非知也殺季家欲以除怨宜

子將復怨已是益仇

音智

以私害公非忠也釋此三

者何以事夫子盡其帑與其器用財賄親帥扞之

送致諸竟

扞衛也

扞戶旦反竟音境

○閏月不告朔非禮

也經稱告月傳稱告朔明告月必以朔閏以正時

事以厚生四時漸差則致閏以正之時以作事

事不失時則年豐生民之道於是乎在

矣不告閏朔棄時政也何以為民

為民如字治也或音于偽反

非也

經七年春公伐邾

三月甲戌取須句

須句魯之封內屬國也僖公反其

君之後邾復滅之書取易也例在襄十三年

須句其俱反

復扶又反

遂城邾

無傳因伐邾師以城邾邾魯邑

卞縣南有郛城備邾難

難乃且又

夏四月宋公王臣卒

二年與魯大夫盟於垂隴

又往

二年至垂隴

正義曰王臣以僖二十四年即位與僖盟于踐土翟泉今唯言垂隴據

與文同盟言之杜註或兼取前世或止取時君不為例也

宋人殺其大夫宋人攻昭公并殺二大夫故以非罪

書

戊子晉人及秦人戰于令狐趙盾廢嫡而外求君故

貶稱人晉諱背先蔑而夜薄秦師以戰告

作適丁歷反背音佩

晉先蔑奔秦不言出在外奔

狄侵我西鄙

秋八月公會諸侯晉大夫盟于扈扈鄭地滎陽卷縣

西北有扈亭不分別書會人總言諸侯晉大夫盟者

公後會而及其盟扈音戶卷音權又丘權反別彼列反

冬徐伐莒不書將帥徐夷告辭略公孫將子匪反帥所類反

敖如莒泣盟泣音利又音類

傳七年春公伐邾間晉難也公因霸國有難而侵

小字難乃且反註同○三月甲戌取須句寘文公

子焉非禮也邾文公子叛在魯故公使為守須句

大夫也絕大皞之祀以與鄰國叛臣故曰非禮寘文公之豉

反下同大音泰皞戶老反○夏四月宋成公卒於是公子成為右

師莊公子公孫友為左師目夷子樂豫為司馬

戴公玄孫鱗曠為司徒桓公孫亂反戴

孫鱗曠桓公孫正義曰世本戴公生樂甫術術生

碩甫澤澤生季甫甫生子僕伊與樂豫是也世本又

云桓公生公子鱗公子蕩為司城桓公子也以武

公名廢司空為司城華御事為司寇華元父也傳

言六卿皆公族昭公不親信之所以致亂御音

昭公將去羣公子樂豫曰不可公族公室之枝

葉也若去之則本根無所庇廕矣葛藟猶能庇其本

根葛之能藟蔓繁滋者以本枝廕麻之多呂辰下

及註同庇必利反又悲位反下同廕本又作蔭於鳩

反藟本或作藟力軌反蔓音萬麻許求反又作庇藟

類龜故君子以為比謂詩人取以喻九族兄弟

必爾葛藟至為比正義曰此引葛藟王風葛藟

反之篇也彼毛傳以之為興此云君子以為比

者但比之隱者謂之興興之顯者謂之比此之與興

深淺為異耳此傳近取庇根理淺故以為比毛意遠

取河潤義深故以為興況國君乎此諺所謂庇焉而

由意不同故比與異耳縱尋斧焉者也縱放也必不可君其圖之親之以

德皆股肱也誰敢攜貳若之何去之不聽穆襄之族

率國人以攻公穆公襄公之子孫昭公所欲去者

殺公孫固公孫鄭于公宮二子在公宮故為亂兵

如

所殺

傳

二子至所殺。正義曰：經書宋人殺其大夫，傳言不稱名非其罪，則此二子名氏當見於經。亦卿官也。僖二十二年傳稱大司馬固於時又有司馬子魚。上文樂豫為司馬，下云六卿和公室六卿之外有此二子，蓋是孤卿之官也。宋是上公禮得有孤，且春秋之時不必知禮。

室樂豫舍司馬以讓公子卯

傳

卯，昭公弟。○舍音捨，下同。卯五

反昭公即位而葬書曰宋人殺其大夫不稱名衆也

傳

且言非其罪也。不稱殺者及死者名，殺者衆，故名不可知，死者無罪，則例不稱名。

不可知死者無罪則例不稱名

傳

正義曰：傳云不稱名，怪殺者死者並不名也。又言衆也，解殺者不名言殺者衆多，其名不可知也。且言非其罪也，解死者不名言名言死者無罪，則於例不稱名也。此傳言書曰是仲尼新意，殺大夫有例無凡，故每言書曰所謂曲而暢。

之也此言死者無罪故不稱名則被殺書名皆為有罪故諸是大夫被殺書名者杜皆言其罪狀正以此傳為例故也釋例曰大臣相殺死者無罪則兩稱名氏以示殺者之罪王札子殺召伯毛伯是也若死者有罪則不稱殺者名氏晉殺其大夫陽處父是也若為賊者衆因亂而殺則亦稱國人殺者主名不分故也主名不分死者雖名氏可知亦隨而去之嫌於罪死者也士殺大夫則書曰盜盜殺鄭公子騂公子發公孫輒是也若然宋之穆襄之族既非六卿於例名氏不見亦應書盜而不言盜者彼殺鄭卿者知是尉止司臣之類故書盜以惡其人此則不得主名書盜不知所惡故不書其盜耳若知其人則亦書盜也

○秦康公送公子雍于晉曰文公之入也無衛故有

傳

呂卻之難。僖二十四年文公入。○難乃，旦反。乃多與之徒衛穆嬴日抱大子以啼于朝曰先君何罪其嗣亦

徒衛穆嬴日抱大子以啼于朝曰先君何罪其嗣亦

傳

徒衛穆嬴日抱大子以啼于朝曰先君何罪其嗣亦

徒衛穆嬴日抱大子以啼于朝曰先君何罪其嗣亦

傳

徒衛穆嬴日抱大子以啼于朝曰先君何罪其嗣亦

徒衛穆嬴日抱大子以啼于朝曰先君何罪其嗣亦

傳

徒衛穆嬴日抱大子以啼于朝曰先君何罪其嗣亦

徒衛穆嬴日抱大子以啼于朝曰先君何罪其嗣亦

傳

徒衛穆嬴日抱大子以啼于朝曰先君何罪其嗣亦

徒衛穆嬴日抱大子以啼于朝曰先君何罪其嗣亦

傳

徒衛穆嬴日抱大子以啼于朝曰先君何罪其嗣亦

何罪舍適嗣不立而外求君將焉寘此

穆嬴襄公夫人靈公母也

抱以適趙氏頓首於宣子曰先君奉此子也而屬諸

子曰此子也才吾受子之賜不才吾唯子之怨

使宣子教訓之音屬今君雖終言猶在耳

之耳而棄之若何宣子與諸大夫皆患穆嬴且畏偪

乃背先蔑而立靈

公以禦秦師箕鄭居守趙盾將中軍先克佐之

先且居子代狐射姑

○背音佩箕音基守乎又反下註同將子匠反下註同

荀

計

林父佐上軍

箕鄭將上軍居守故佐獨行先蔑將

下軍先都佐之步招御戎戎津為右及董陰

士會逆公子雍前還晉晉人始以逆雍出軍卒然變

討立靈公故車右戎御猶在職董陰晉地

○招上遙一音斬卒

寸忽反

○右皆是君之御右知此步招戎津始以

逆雍出軍此擬為雍之御右也改立靈公故御右猶

在職也十二年河曲之戰傳稱范無恤御戎註云代

步招晉君不行有御戎者成二年楚令尹子重為揚

橋之役王卒盡行彭名御戎註云王卒盡行故王戎

車亦行然則河曲之戰亦公卒盡行公之戎車亦行

故御戎在職也此時未至令狐令狐猶是晉地知董

陰亦是

晉地也宣子曰我若受秦秦則賓也不受寇也既不

受

受

受

受矣而復緩師秦將生心先人有奪人之心奪敵

之戰心也。復狀又反先悉薦反又有奪人之心本或此下有後人待其反誤軍之善

謀也逐寇如追逃軍之善政也訓卒利兵秣馬蓐食

潛師夜起蓐是早食於寢蓐也。卒子忽反秣音末蓐音辱戊

子敗秦師于令狐至于刳首己丑先蔑奔秦士會從

之從刳首去也令狐在河東當與刳首相接。若胡

反先蔑之使也荀林父止之曰夫人大子猶在而外

求君此必不行子以疾辭若何不然將及禍將及

已使所攝卿以往可也何必子同官為寮吾嘗同

寮敢不盡心乎弗聽為賦板之三章板詩大雅其

三章義取芻蕘之言猶不可忽况同寮乎僖二十八

年林父將中行先蔑將左行寮本又作僚力彫反為于偽反下為同寮同

芻初俱反蕘音饒行戶郎反下同又弗聽及亡荀伯盡送其帑及其

器用財賄於秦曰為同寮故也荀伯林父士會在

秦三年不見士伯士伯先蔑其人曰能亡人於國

言能與人俱亡於晉國不能見於此焉用之何

用如此士季曰吾與之同罪俱有迎公子雍之罪

非義之也將何見焉言已非慕先蔑之義而從之

及歸遂不見。責先蔑為正卿而不佳諫且俱出奔。

惡有黨也。士會歸在十三年。○惡烏。○狄侵我西鄙。

公使告于晉。趙宣子使因賈季。問酈舒。且讓之。酈

舒狄相讓其伐魯。○酈若忠反。相息亮反。酈舒問於賈季曰。趙

衰趙盾孰賢。對曰。趙衰冬日之日也。趙盾夏日之日

也。○冬日可愛。夏日可畏。○秋八月。齊侯宋公衛侯

陳侯鄭伯許男曹伯會晉趙盾盟于扈。晉侯立故也。

公後至。故不書所會。凡會諸侯。不書所會後也。不

書所會。謂不具列公侯及卿大夫。後至不書其國。辟

不敏也。此傳還自釋凡例之意。凡會至不敏。○

年諸侯城緣陵。傳曰。不書其人。有關也。十五年諸侯

盟于扈。傳曰。書曰。諸侯無能為也。十六年諸侯會于

扈。傳曰。書曰。諸侯無功也。然則總稱諸侯。皆是罪諸

侯也。此總稱諸侯。不稱所會為公後也。傳還自釋凡

例云。後至不書其國者。辟不敏也。不敏猶不達也。諸

國皆在公獨後至。是公不達於事。辟公之不達於事

諱公罪而歸責於諸侯者。若言諸侯無功。然故貶諸侯而總之。所以辟公恥也。○穆伯娶于

莒。曰戴已。生文伯。其娣聲已。生惠叔。穆伯公孫敖

也。文伯穀也。惠叔難也。○已音紀。又音杞。娣。戴已卒。

又聘于莒。莒人以聲已辭。則為襄仲聘焉。襄仲公

孫敖從父昆弟。○為于偽反。且為自為同。冬。徐伐莒。莒人來請盟。

見伐故欲結援穆伯如莒蒞盟且為仲逆及鄆陵

登城見之美鄆陵莒邑自為娶之仲請攻

之公將許之叔仲惠伯諫惠伯叔牙孫曰臣聞之

兵作於內為亂於外為寇寇猶及人亂自及也今臣

作亂而君不禁以啓寇讎若之何公止之惠伯成之

平二子使仲舍之舍不娶公孫敖反之

還莒女復為兄弟如初從之為明年公孫敖奔

莒傳復音服又扶又反晉卻缺言於趙宣子曰日衛不睦

故取其地日往日取衛地在元年今已睦矣可以

歸之叛而不討何以示威服而不柔何以示懷

安也非威非懷何以示德無德何以主盟子為正卿

以主諸侯而不務德將若之何夏書曰逸書戒之

用休有休則戒之以勿休董之用威

董督也有罪則督之以威刑勸之以九歌勿使壞九

功之德皆可歌也謂之九歌六府三事

曰此虞書大禹謨之文也以其夏禹之言故傳謂之夏書勿使壞以上皆彼正文唯彼言俾勿壞俾亦使也一字別耳彼上文云水火金木土穀惟修正德利用厚生惟和九功惟敘九敘惟歌乃次此辭下云帝曰六府三事允治卻缺令宣子修德行禮使人謂之歌樂故先引勸之以九歌然後卻言六府三事謂之

德

說之音悅

補

春秋疏

卷十九

禮記

九功水火金木土穀謂之六府。正德利用厚生謂之

三事。義而行之謂之得禮。德正德也。禮以制財用

之節。又以厚生民之命。無禮不樂。所由叛也。無禮

也。正義曰。在上為政無禮。則民不樂。是叛之所由。若吾子之德。莫可歌也。其

誰來之。國來猶歸也。樂。蓋使睦者歌吾子乎。宣子

說之。國為明年晉歸鄭衛田。張本。臘反。至張本。正義曰。鄭往前侵衛田。今晉令鄭歸還衛田也。言歸鄭衛田者。謂晉歸以鄭所取衛田。故杜下註云。臣本衛邑。中屬鄭。令鄭還衛。是也。然晉亦還衛田。獨言鄭還衛田者。以鄭歸衛田為主。遂畧之。劉炫以為歸鄭及歸衛田。怪傳文歸衛不歸鄭。而規杜氏非也。

經八年春王正月

夏四月

秋八月戊申天王崩

冬十月壬午公子遂會晉趙盾盟于衡雍。壬午月五日

日。雍於用反

乙酉公子遂會雜戎盟于暴。乙酉月八日也。暴鄭地

公子遂不受命而盟。宜夫族善其解國患。故稱公子

以貴之。會雜戎本或作伊維之戎。此後人。妄取傳文加耳。雜音洛去起。呂反。乙酉至

貴之。正義曰。以壬午乙酉相去四日。其間不容報君。見其專命之意。故註詳其日也。衡雍鄭地。知暴亦

春秋疏

卷十九二十三

禮記

顯字疑

春秋左傳卷之九
鄭地臣無專命之義故鞏溺皆去其族也此公子遂不受君命因事遂行輒與戎盟宜去其族傳言書曰公子遂珍之是善其解國患故稱公子以貴之也釋例曰人臣受命不受辭出竟有可以利社稷者專之可也故襄仲始盟趙盾遂盟伊洛之戎四日之間經再書公子不可以遂事常辭顯之也
公孫敖如京師不至而復丙戌奔莒
不自外行

各無傳為災故書

宋人殺其大夫司馬宋司城來奔
司馬死不舍節司

城奉身而退故皆書官而不名貴之
音舍

傳八年春晉侯使解揚歸匡戚之田于衛
匡本衛

邑中屬鄭孔達伐不能克今晉令鄭還衛及取戚田

皆見元年
鄭力呈反見賢遍反
且復致公壻池之

封自申至于虎牢之竟
公壻池晉君女壻又取衛

地以封之今并還衛也申鄭地傳言趙盾所以能相

幼主而盟諸侯
復扶又反壻音細俗作婿
竟音境下註同相息亮反
壻至公

諸侯正義曰釋親云女子之夫為壻傳稱公壻知

是晉君之女壻池其名也杜以上言歸匡戚之田于

衛又言且復致則晉亦致于衛故言又取衛地以封

之今并還衛也劉炫云服虔以為致之于鄭以服言

是規杜
已釋之
夏秦人伐晉取武城以報令狐之役
令

狐役在七年
秋襄王崩
為公孫敖如周弔傳

晉人以扈之盟來討前年盟扈公後至冬襄仲

會晉趙孟盟于衡雍報扈之盟也遂會伊維之戎

伊維之戎將伐魯公子遂不及復君故專命與之盟

書曰公子遂珍之也珍貴也大夫出竟有可以安

社稷利國家者專之可也珍貴至可也○正義曰傳多言貴之而此言

喪不至以幣奔莒從已氏焉已氏莒氏○宋襄夫

人襄王之姊也昭公不禮焉昭公適祖母○適下歷反

夫人因戴氏之族華樂皇皆戴族以殺襄公之孫

孔叔公孫鍾離及大司馬公子卬皆昭公之黨也司

馬握節以死故書以官節國之符信也握之以死

示不廢命節國至廢命○正義曰周禮掌節掌

都鄙者用角節鄭玄云玉節有五則典瑞云穀圭以

和難以聘女身璋以起軍旅以治兵守珍圭以徵守

其角節鄭註云未聞此司馬司城以事在官蓋執此

等之玉節小行人云守都鄙者用管節此司馬司城

或食采地即都鄙之主此節或管節也掌節又云

山國用虎節土國用人節澤國用龍節鄭註云鑄金

為之謂王使之使於土國之等掌節又云門關用符

節貨賄用璽節道路用旌節鄭玄云門關者謂司門

及門關鄉遂亦有節小行人云山國用虎節土國用

人節澤國用龍節謂已山澤之國出使用龍虎之

節小行人又云道路謂諸侯鄉遂及諸侯司門司關都鄙之等也令之為官授以此節今握節以死示已不廢命也此夫人殺而經書宋人殺其大夫者夫人與君共有國家尊與君同不得為兩下相殺故同國討之文雖同國討稱人實非國討之例以其死者不稱名無罪也司城蕩意諸來奔效節於府人而出效猶致

也意諸公子蕩之孫效戶公以其官逆之皆復之亦書以官皆貴之也卿違從大夫公賢其效節故

以本官逆之請宋而復之司城官屬悉來奔故言皆復卿違至皆復正義曰卿違從大夫昭七年傳文也效節於府人然後出奔示已解任而退不敢帶官而逃公賢其效節故以本官逆之為是書宋司城來奔善其人故書其官也請宋復之事在

一年一人不得言皆知司城官屬悉與皆復也○夷之蒐晉侯將登箕鄭父

先都登之於上軍也夷蒐在六年登之至六年

清原之蒐箕鄭佐新上軍先都佐新下軍二人先為卿矣而復欲登之知登於上軍也然則七年令狐之戰傳歷言諸軍將佐箕鄭將上軍先都佐下軍先都不登容可然恨箕鄭不失其登而亦共作亂者蓋先克之薦狐趙并亦請退箕鄭先都先都於時即佐下軍箕鄭雖得不退因此意望以成小憾及狐射姑出奔箕鄭位次宜佐中軍而先克代射而使士穀梁益姑箕鄭守其故職蓋以此而恨也耳將中軍士穀本司空將子匡反先克曰狐趙之勲不可廢也從之狐偃趙衰有從亡之勲從

用先克奪蒯得田于董陰七年晉禦秦師於董陰反

以軍事奪其田也先克中軍佐○刪苦故箕鄭父先○贖反

于偽

都士穀梁益耳蒯得作亂○為明年殺先克張本○

經九年春毛伯來求金○求金以共葬事雖踰年而未

葬故不稱王使○共音恭本亦作供下同

夫人姜氏如齊○無傳歸寧

二月叔孫得臣如京師辛丑葬襄王○卿共葬事禮也

○卿共葬事禮也○正義曰言禮者以明天子之喪卿弔卿會葬諸侯不親行也釋例曰萬國之數至眾封疆之守至重故天王之喪諸侯不得越竟而奔修服於其國卿共弔送之禮既葬卒哭而除凶魯

焉

若

侯無故而穆伯如周弔○此天子崩諸侯遣卿弔送之經傳也杜以往年穆伯弔喪今令會葬二事傳無譏文知其禮當然也昭三十年傳鄭游吉云靈王之喪我先君簡公在楚似不在楚即當親行而言禮不親者彼言由君在楚上卿守國故使少卿印段往耳言君當親行也

晉人殺其大夫先都○下軍佐也以作亂討故書名

三月夫人姜氏至自齊○無傳告于廟○夫人至自齊○正義曰蘇

氏云夫人歸寧書至唯有此耳餘不書者或禮儀不備或淫縱不告廟也

晉人殺其大夫士穀及箕鄭父○與先都同罪也

楚人伐鄭○楚子師於狼淵不親伐

公子遂會晉人宋人衛人許人救鄭

夏狄侵齊無傳

秋八月曹伯襄卒無傳七年同盟于扈七年同盟于扈

正義曰襄以僖八年即位其年盟于洮九年于葵丘十五年于牡丘二十一年于薄今唯言于扈據文公之言

之

九月癸酉地震無傳地道安靜以動為異故書地震

道至故書○正義曰穀梁傳曰震動也公羊傳曰震者何動地也何休云傳先言動者喻若物之動地以曉人也周語伯陽父曰陽伏而不能出陰迫而不能蒸遂於是地震孔晁云陽氣伏於陰下見迫於陰故不能升以至於地動是地道安靜以動為異也

冬楚子使椒來聘稱君以使大夫其禮辭與中國同

椒不書氏史畧文稱君至畧文○正義曰莊二十三年荆人來聘不稱楚子使

某至此稱君以使大夫其禮與中國同其禮既同椒亦宜書其某氏今不書氏傳無貶文皆是史辭自畧無義例也釋例曰楚殺得臣與宜申賈氏皆以為陋案楚殺大夫公子側成熊之等六七十人皆稱氏族無為獨於此二人陋也斯蓋非史策舊法故無凡例當時諸國以意而赴其自來聘使者辭有詳畧仲尼修春秋因采以示義義之所起則刊而正之不者即而示之不皆刊正也諸侯之卿當以各氏備書於經其加貶損則直稱人若有衰異則或稱官或但稱氏若無褒無貶傳所不發者則皆就舊文或未賜族或時有詳畧也推尋經文自莊公以上諸弑君者皆不書氏閔公以下皆書氏亦不足以明時史之同異非仲尼所皆貶也

秦人來歸僖公成風之襚衣服曰襚秦辟陋故不稱

秦火梳

卷十九 二十八

及古聞

不字疑

以辭致先

從

春秋

卷十九

春秋

使不稱夫人從來者辭。○音遂說文作祝云贈終者衣被曰祝以此禭為衣死
人衣辟。○曰衣服至者辭。正義曰：隱元年公羊傳曰：衣被曰禭。衣衾曰禭。禮稱禭者君使臣致服故云。衣服曰禭。曰秦處西戎其國僻陋故不稱君使猶楚在莊世稱荆人來聘也。成風夫人也。來者不言夫人從來者之引也。元言僖公僖公先薨也。不言及并來之者。

葬曹共公

無傳

○共音恭

傳九年春王正月己酉使賊殺先克

箕鄭等所使也。亂殺先克不赴故不書。乙丑晉人殺先都梁益耳。

也。亂殺先克不赴故不書。乙丑晉人殺先都梁益耳。

乙丑正月十九日。經書二月。役告。○毛伯衛來求

金非禮也。天子不私求財故曰非禮。不書王命未

葬也。○二月莊叔如周葬襄王

莊叔如周葬襄王。正義曰：虛舉此

經者嫌莊叔別以他事使周葬王更使人會故明之。○三月甲戌晉人殺箕鄭

父士穀崩得

梁益耳崩得不書皆非卿

梁益至非卿

○正義曰：士穀書經則是卿也。七年令狐之戰三軍將佐無士穀。十二年河曲之戰三軍將佐杜註無代士穀者。而士穀得為卿者。先蔑奔秦傳無其代。十二年樂盾將下軍。註云代先蔑者。據傳成文言之耳。未必不是士穀代先蔑。樂盾代士穀也。箕鄭上軍將也。傳文先箕鄭後士穀。士穀若將下軍則是位之次也。其事似然。或者晉於將佐之外。猶別有散位從卿者。卻缺趙穿之類也。傳箕鄭先士穀。經士穀先箕鄭者。經以殺之先後傳。以位次序列。傳崩得居下。知其以位次也。賈逵云：箕鄭稱及非首謀。按襄二十三年陳殺其大夫慶虎及慶寅。杜云言。○范山言於楚子曰：及史異辭無義例。則此亦然也。

春秋

卷十九

春秋

晉君少不在諸侯北方可圖也

范山楚大夫詩照

反下楚子師于狼淵以伐鄭

陳師狼淵為伐鄭援

也穎川穎陰縣西有狼陂

皮反囚公子堅公子尢

及樂耳

三子鄭大夫鄭及楚平○公子遂

會晉趙盾宋華耦衛孔達許大夫救鄭不及楚師卿

不書緩也以懲不恪

華耦華父督曾孫公子遂獨

不在貶者諸魯事自非指為其國衰貶則皆從國史

不同之於他國此春秋大意他皆放此○懲直升反

于偽華耦至放此○正義曰在禮卿不會公侯

反會則貶之稱人元年公孫敖會晉侯于戚文

無所取此公子遂與諸國同行諸卿皆貶遂獨不貶

諸如此類莫不盡然知諸於魯事自非指為其國衰

貶皆從魯史以其體例○夏楚侵陳克壺丘

已舉不假改正故也陳邑以其服於晉也○秋楚公子朱自東夷伐陳

子朱息公也陳人敗之獲公子茂陳懼乃及楚平

以小勝大故懼而請平也傳言晉君少楚陵中國明

年所以有厥貉之會○冬楚子越椒來

聘執幣傲

子越椒令尹子文從子傲不敬叔仲惠伯曰是必滅若敖氏之宗傲其先君

神弗福也

十二年傳曰先君之敝器使下臣致諸

下同從才用反

報反

報反

報反

執事明奉使皆告廟故言傲其先君也為宣四年楚

滅若敖氏張本○敖五乃反使所吏反○秦人來歸僖公成風

之禭禮也○秦慕諸夏欲通敬於魯因有翟泉之盟

故追贈僖公并及成風本非魯方獄同盟無相赴弔

之制故不譏其緩而以接好為禮○夏戶雅反獄音

註諸侯相弔賀也雖不當事苟有禮焉書也以無忘

舊好○送死不及尸故曰不當事書者書於典策垂

示子孫使無忘過厚之好○諸侯至舊婦○正義曰

人發傳隱元年王使來賜尚譏其緩若是同盟之○

必譏其緩可知釋例曰秦之與魯本非方獄同盟魯

薨不赴秦秦不贈魯自是其常也僖穆二公雖有同

盟之義二君已卒則二子不得用同盟之禮也今秦

康公遠慕諸華欲通敬於魯無以為辭因翟泉有盟

追贈僖公并及成風假弔禮而行故曰禮也送死不

及尸謂不當其事書者書之於策垂之子孫以示過

厚之好也是言此傳主為秦也僖公成風服除久矣

今始來弔贈當以變禮待之檀弓曰衛將軍文子之

喪既除喪而後越人來弔主人深衣練冠待於廟垂

涕洟子游曰將軍文氏之子其庶幾乎亡於禮者之

禮也其動也中是古有以服終來弔者也何休膏肓

云禮主於敬一使兼二喪又於禮既緩而左氏以之

為禮非也鄭箴云若以為緩按禮衛將軍文子之喪

既除喪而越人來弔子游何得善之是鄭不非其緩

也若譏一使兼二禮雜記諸侯弔禮有含禭贈臨何

以一使兼行知休言非也

經十年春王三月辛卯滅孫辰卒○無傳公與小斂故

春秋

卷十九

三十一

書曰。與音預。斂力驗反。

夏秦伐晉。

不稱將帥。

告辭畧。將子匠反。

帥所類反。

楚殺其大夫宜申。

宜申子西也。

謀弑君故書名。

自正月不雨至于秋七月。

無傳。義與二年同。

及蘇子盟于女栗。

女栗地名。

闕蘇子周卿士。頃王新。

立故與魯盟親諸侯也。

女音汝一音。如字頃音傾。

冬狄侵宋。

無傳。

楚子蔡侯次于厥貉。

厥貉地名闕。將伐宋而未行。故

書次。

詩

不

維

傳十年春晉人伐秦取少梁。

少梁馮翊夏陽縣。商照反。下註。

同夏戶雅反。

夏秦伯伐晉取北徵。

報少梁。徵如字。三蒼。

云縣屬馮翊音。

○初楚范巫喬似。

喬似范邑之巫。懲一音張里反。

○商尹。

謂成王與子玉子西曰三君皆將強死。將必反。

強死。正義曰。強健也。無病而死謂被殺也。

城濮之役王思之。故使止子

玉曰毋死不及止子西子西縊而縣絕。在僖二十

八年。

○強其丈反。濮音卜母。音無縊一豉反。縣音玄。

王使適至遂止之使為

商公。

商楚邑今上維商縣。○王使所吏反。

公漢沂江將入

郟。

公順流沂逆流。

○公悅專反。沂息路反。郟以井反。又以政反。

順流。

春秋

卷九

九

斥逆流。正義曰：商在漢水北，漢水東流而南入江，子西既至商邑，聞讒不敢居商縣，沿漢水順流而下，至江乃沂流逆上，渚宮當郢都之南，故王在渚宮，下見之也。下註云：小洲曰渚，釋水文。王在渚宮。小洲曰渚。渚，章呂反，水中可居者曰洲。音州。下見之，懼而辭。

曰：臣免於死，又有讒言，謂臣將逃，臣歸死於司敗也。

陳楚各司寇為司敗。子西畏讒言，不敢之商縣。陳楚各司寇為司敗。子西畏讒言，不敢之商縣。

王使為工尹。掌百工之官。又與子家謀弑穆王。穆

王聞之，五月，殺鬬宜申及仲歸。仲歸，子家不書，非

卿。秋七月，及蘇子盟于女栗，頃王立，故也。僖十

年狄滅溫，蘇子奔衛，今復見，蓋王復之。復扶又反，見賢遍反。

陳侯鄭伯會楚子于息，冬遂及蔡侯次于厥貉。陳鄭及宋麋子不書者，宋鄭執卑苟免，為楚僕任，受役於司馬，麋子恥之，遂逃而歸。三君失位降爵，故不列於諸侯。宋鄭猶然，則陳侯必同也。麋九，陳鄭倫反，至同也。

正義曰：杜以陳鄭會楚子于息，遂與蔡侯次于厥貉，則陳鄭當在次也。傳稱厥貉之會，麋子逃歸，則麋子當在也。宋公逆楚子，間宋公亦在也。獨書楚子蔡侯不言，陳鄭宋麋，故迹其事而為之說。言宋陳鄭三君降爵，麋子逃歸，故不書也。劉炫以為告文畧，故不書陳鄭宋，今知不然者，此楚會諸侯，必是楚人來告，若楚人來告，當以得諸侯為榮，何以畧其宋鄭陳乎？麋子不會，傳云逃歸，宋鄭二國為楚僕役，猶如許蔡。

問疑則訛

春秋

卷十九

僖十

二君降乘楚車許蔡既不書於經故知宋鄭失位不
此乃傳事分明故特為此解劉炫有以告文畧以
規杜氏將以伐宋宋華御事曰楚欲弱我也先為之

弱乎何必使誘我我實不能民何罪乃逆楚子勞且

聽命時楚欲誘呼宋共戰御事華元父遂勞力報反

道以田孟諸孟諸宋大藪也在梁國睢陽縣東北

道音導藪素宋公為右孟鄭伯為左孟孟田獵

陳名陳直觀反期思公復遂為右司馬復遂楚期

思邑公今弋陽期思縣子朱及文之無畏為

左司馬將獵張兩甄故置二左司馬然則右司馬

一人當中央然以將獵至中央正義曰宋

誅宋公之僕自謂當官而行明無畏當右子朱當左

是具張兩甄故置二左司馬使各掌一甄自然右司

馬一人當中央也命夙駕載燧燧取火者

宋公違命不夙駕載燧無畏扶其僕以徇或謂子

舟曰國君不可戮也子舟曰當官而行何彊之有

子舟無畏字扶恥乙反徇詩曰剛亦不吐柔亦不

以謹罔極詩大雅詭人隨人無正心者謹猶慎也

罔無也極中也罔詭九從此詭人隨人無正心者

春秋疏

卷之九

十一

以謹敕彼無中正之人言小罪尚不赦則大罪不敢為也

是亦非辟疆也敢愛死

以亂官乎言為宣十四年宋人殺子舟張本○厥貉

之會麋子逃歸言為明年楚子伐麋傳

二終



